

Glosar novih autora

MARIJA BABOVIĆ – BOSANKA, slikarka, likovni pedagog, pjesnikinja, učiteljica, rođena 1930. godine u Karanovcu kod Gračanice, nižu gimnaziju završila u Doboju, učiteljsku u Tuzli, a višu pedagošku u Sarajevu. Više od dvadeset godina radila je kao učiteljica, potom nastavlja kao slobodni slikar – umjetnik. Do sada je imala više od 30 samostalnih i stotinjak kolektivnih izložbi u gradovima Bosne i Hercegovine, bivše Jugoslavije i inostranstvu, učestvovala na brojnim likovnim kolonijama, za svoj rad dobila brojna domaća i međunarodna priznanja. Riječ je o jednom osebnom stvaralačkom opusu koji zadivljuje svojim obimom, originalnošću i ekspresivnošću, o likovnom maniru između naive i naturalizma, između klasičnog realističkog crteža i fikcije, između modernosti i postmodernizma... Danas živi i radi u Tuzli i Gračanici.

SVETLANA BAJIĆ, etnolog, muzejski savjetnik, rođena 1948. godine u Sarajevu, završila Filozofski fakultet u Beogradu na grupi etnologija. Od 1976. godine neprekidno radi u Zemaljskom muzeju u Sarajevu, uža specijalnost: tekstilna radinost i nošnje u Bosni

i Hercegovini. Objavila je više radova u Glasniku Zemaljskog muzeja u Sarajevu i u nekoliko monografija, od kojih su najznačajnije: "Ilidža", "Pozdrav iz Sarajeva" i "Svjetlost Evrope u BiH", učestvovala je na raznim naučnim skupovima i savjetovanjima, priredila više grupnih i samostalnih muzejskih izložbi.

MUNIBA ČIČKUŠIĆ, diplomirani inženjer arhitekture - urbanista, rođena 1958. godine u Šerićim (Živinice). Od završetka studija na Arhitektonskom fakultetu u Sarajevu radi u Gračanici, prvo kao nastavnik u Srednjoškolskom centru, a zatim na poslovima urbaniste u Službi za prostorno uređenje općine Gračanica. Do sada učestvovala u izradi mnogih projekata i urbanističkih planova na lokalnom području. Uže područje interesovanja – historija arhitekture.

DR. MUHAMED HADŽIJAHIĆ, doktor prava, historiograf, stručnjak za političku istoriju BiH, rođen 1918. u Sarajevu, diplomirao i doktorirao na pravnom fakultetu u Zagrebu. U javnom životu javlja se još 1934. godine sa svojim radom o narodnim pjesmama o Aliji Đerzelezu, potom slijedi Građa za povijest

narodne poezije muslimana iz Bosne u XVI, XVII. i XVIII. stoljeću (1935.) monografija, Hrvatska muslimanska književnost prije 1878. godine (1938.) Prve radove, nakon pauze od tridesetak godina, objavljuje polovinom sedamdesetih: Neki tipovi povlaštenih gradova u turskom feudalizmu (1974) monografija, Od tradicije do identiteta (1974. i 1990.) monografija, O progonu Hamzevića u Bosni 1573. godine (1974.) monografija, Geneza nacionalnog pitanja bosanskih Muslimana, (1974.), Islam i muslimani u Bosni i Hercegovini I (1977.), Uloga Gazi-Husrevbega i njegova vakufa Anali GHB (1983.), Porijeklo bosanskih muslimana, (1990.) itd. Radovi su mu prevedeni na engleski, njemački, francuski, češki i italijanski jezik. Veliki broj njegovih članaka, kao i iscrpnijih radova se danas čuvaju u mnogim međunarodnim bibliotekama, Orijentalnom institutu BiH, Bošnjačkom Institutu u Sarajevu, kao i u UNESCO-voj zbirci Historije Jugoistočne Evrope. Preminuo 1986. godine.

ZEJČIR HASIĆ, profesor bosanskog jezika, rođen u Brčkom 1945. godine. Filozofski fakultet završio u Zagrebu, nakon završenih studija, radio u Brčkom kao gimnazijski profesor. Sada zaposlen kao stručni savjetnik za Bosanski jezik u Pedagoškom zavodu Tuzla. Uz svoj stručni rad, piše poeziju, prozu i dramske tekstove. Do sada je objavio (za djecu): "Praviš se važan" (zbirka pjesama), "Ljubav i ljubav i ljubav" (zbirka pjesama, priča i kratki roman); za odrasle: "Srebrnina gospođe Marjane", "Borhes u autobusu" (priče i novele), "Eglen sa dušom", "Pokučaj i na vrata otvorena", "Zavještanje Zuhdijino" (zbirke pjesama), u pripremi zbirka priča "Tamnovanje Tea Ormanskog". Između ostalih dobio nagrade za priču "Ivo Andrić" (lista "Oslobođenje", "Zija Dizdarević" Susreta "Zija Diz-

darević" Fojnica, nagradu za radio-dramu, radio-roman i radio-novelu RTV BiH 1 i RTV Federacije BiH. i nagradu za najbolju knjigu za djecu u BiH za zbirku "Praviš se važan". Zbirka "Borhes u autobusu" bila u užem krugu za Istočnoevropsku književnu nagradu. S područja stručne i metodičke literature objavio sljedeće udžbenike: Čitanka za V razred osnovne škole, Čitanka za VIII razred osnovne škole, kao koautor: Čitanku za III razred osnovne škole, Čitanku za I razred tehničke škole i Čitanku za III razred tehničke škole.

EDITA HASKOVIĆ, dipl. kriminolog, rođena 1981. godine u Sarajevu, diplomirala na Fakultetu kriminalističkih nauka u Sarajevu 2006. godine kao jedan od najboljih studenata u svojoj generaciji.

